

「國家社會科學基金重大項目」

何建明

主編

中國地方志
佛道教文獻匯纂

人物卷

(66)



國家圖書館出版社

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
人物卷
（66）

佛道教文獻匯纂



國家圖書館出版社

中國地方志佛道教文獻匯纂·人物卷
江西省

江西通志

清·劉坤一等修 劉繹 趙之謙纂
清光緒七年（一八八一）刻本

江西通志卷一百七十八

仙釋一

上古

洪崖先生得道居西山洪崖或曰卽黃帝之臣伶倫也
堯時已三千歲漢武帝時有衛度世者入華山尋父叔
卿見父絕壑中與數人博戲問爲誰曰洪崖先生許由
巢父也隋開皇中以洪崖所在改郡爲洪州今西山中
伏虎山北巖右有洪井井上有石壇壇北里許有五春
臼壇南二里有鸞岡相傳爲先生煉丹搗藥及乘鸞憩
息故址豫章書 謹案隋置洪州因洪崖井爲名見元
敬原山西北五六里有洪井舊說洪崖先生之井也西
有鸞岡洪崖先生乘鸞所憩泊也雷次宗云此乃紫鳳
捕影之論據實本所未詳聊記奇聞以廣井魚之聽又
引謝莊遊豫章觀井賦詩言鸞岡四周有水謂之鸞坡

似非虛論舊志據豫章書以爲居西山洪崖又以洪崖
所在改洪州於前未聞蓋以神仙之說荒遠難稽元之
又元姑弗
深考耳

周

蕭史配秦穆公女弄玉夫婦跨鶴於蕭壇峯上昇

安志

案水經注鸞岡西有鸞嶺王子喬控鶴所經過也有二
崖號曰大蕭小蕭言蕭史所遊萃處也舊志紀跨鶴上
昇亦見南昌府志同爲附會似以水
經注所稱爲近理也王子喬事別紀

漢

梅福九江壽春人嘗官南昌尉旋歸九江屢上封事後
棄妻子去世遂以福爲仙今豐城縣盛山亦有甘露臺
梅仙館朝斗壇丹井宋元豐五年封壽春真人紹興六
年加吏隱二冊俱存

名勝志

葛生隱新吳山孫策據江東太史慈問以休咎握手不

語而去迹其處虎豹環側不可近及大帝權建吳國方知握手之兆云

安志

晉至隋

吳猛字世雲豫章人幼以孝聞夏月不驅蚊蚋恐其去已而噬親也年四十遇異人丁義復師南海太守鮑靚得祕法雲符晉武帝時同旌陽謁湛母爰孝道明王之法湛告猛云吾見玉皇元譜許爲高明大使領仙籍君元都御史也還豫章江以白羽扇畫水而渡一日暴風起乃書符擲於屋上有青鳥銜去須臾風止人問之答曰南湖舟中有二道士呼救故以此拯之爾尋訪果然西安令干慶死已三日猛曰未合死當爲上天訟之遂臥尸旁數日與慶同起慶弟寶感其事爲撰搜神記旌

陽得仙猛亦於西平乘白鹿車與弟子四人冲虛而去
千慶好獵猛極諫不聽一日大獵引火烘天而猛坐草
中烏獸依附火不能及所居有仙壇今爲吳仙觀宋封
神烈真人安志謹案晉書本傳猛豫章人舊志作新
吳人主謀十代文獻略考爲永修人今從晉
書又干寶作搜神記乃感父婢再生此以再生屬實之
兄本傳猛爲庾亮迎至江州問疾辭以鼻盡死失其尸
此云與旌陽同時冲虛而去亦異聞也太平御覽六百
六十三引述異記晉成康中江州刺史庾亮迎吳猛將
弟子登廬山過石梁見一翁坐桂樹下以玉杯承甘露
與猛猛分賜弟子又進一處崇臺廣金玉房宇器樹
不可識與猛言若故舊設玉膏終日舊志於仙釋旁及
接經劉綱而不及此翁於猛傳亦不之及未知其旨今
之附紀

許遜字敬之世居許昌祖炎父肅避地南昌因家焉吳
赤烏二年己未遜生少從吳猛傳三清法要晉太康初
爲旌陽令大施利濟尋棄官謁謚母於丹陽授以道術

煉丹於艾之黃龍山得寶劍梅山之下登水東小峯築
 壇醮星焉永嘉末海昏有巨蛇噓氣喻人石噬甚眾乃
 仗劍行斬之後於豫章遇一美少年與語遽告去謂弟
 子曰此老蛟精也試迹其所之化黃牛臥砂磧命弟子
 施岑揮劍中其左股奔入城西井從長沙井出尋滅之
 慮豫章爲浮州蛟龍所穴因於牙城南井鑄爲鐵柱下
 施八索鉤鎖地脈又周行江湖諸郡殄滅毒害乃歸舊
 隱於甯康二年八月一日拔宅上昇十一月望日四十二人
 拔宅昇天宋封神功妙濟真君豫章書謹案劉義慶幽明
 昇天山十二真君傳稱遜少孤躬耕負薪養母敬事寡嫂爲
 旌陽令者得之以償負免桎梏植竹水中爲民愈疾又著八訓
 日忠孝廉謹寬裕容忍舊志第紀神異不復詳及朱樂
 江城舊事謂世徒謂仙迹不知實行不虛
 也茲附錄於末以告蒼生之有貶辭者

卷一百一十一 南昌府

三

彭伉字武陽蘭陵人仕晉爲尚書左丞密修仙術永康中棄官事許遜遜妻以長女永和二年八月十五日全

家二十六人白日上昇

仙苑網珠

施岑字大玉

仙苑網珠作施峯小字道乙

沛郡人徙居九江雄偉多

力弓劍絕倫遜每出使與岑戰執劍從侍甯康初御者

龍乘雲而去今西山至德觀卽岑眺蛟臺

志

甘戰字伯武豐城人有孝行從許遜遊異其材器凡與文祕訣悉命掌之斬蛟斬蛇無不與焉及遜昇仙戰歸豐城布德行惠鄉人感之陳大建元年正月七日乘彩麟之車上昇宋封精行真人靖安縣西北丹仙觀爲戰故宅豐城縣南白鶴觀是戰得道處飛昇日有風簞一枝墜地復生每因風而嘯韻若管絃後人於其地建飛

望觀

名勝志

盱烈字道微豫章人少事母孝慕許遜道結草宅旁遂得聞道要母常采花以奉遜遜飛昇日母子相隨騰雲而去今壇井尙存

號盱宋井

宋封烈爲和靖真人又云盱母

乃遜長姊遜嘗築室於宅旁俾烈母子居之

豫章書

鍾離嘉字公陽

仙苑編珠作鍾嘉字本超

南昌人其母許遜妹也少

孤性簡澹遜喜其有受道資乃教以神方後隨遜冲舉今新建丹陵觀是其故址

安志

時荷字道陽四明山道士遜旣得仙荷持龍節前驅雲

路

仙苑編珠

周廣字惠常事許遜執僮僕禮元康中執麾幢前引遜

歸舊宅

仙苑編珠

江陰縣志卷之二十一 南昌府

陳勛字孝舉慕許遜道託爲旌陽縣吏因得師遜爲入室弟子遜拔宅日執羽旌導於前

仙苑編珠

曾亨字國興孫登常指云此人骨秀可學昇天遂事許

遜從遜車駕同昇

仙苑編珠

羅文佑南昌人父塘與許遜學道晉太康中文佑奉母

湛之歛采藥黃山結廬長春里丹成乘白狼去

府志

董晉字混成武甯人素業治兄弟三人從許遜治蛟二

兄遇害晉益感憤遜授以祕法遂精道術卒助遜周行

郡邑驅孽至邑西龍潭殲之鄉人就其故居立白馬廟

祀焉

府志

許大遜僕也本干姓與妻市米於西嶺聞遜將飛昇奔馳而歸倉黃覆其車遺米於地米皆復生人名其鎮爲

生米鎮遜以許未應得仙乃授以地仙之術夫妻俱隱

西山

安志

文斤南昌人號超然子晉咸安中爲高平令遇異人授

以丹訣棄官歸甯康二年仙去

安志

劉道成新吳人仕晉爲陳州刺史乞歸居縣西文明坊

修黃老之術皈依大羅真符永嘉二年合宅冲舉梁武

帝卽其故趾勅昭德觀

名勝志

曹德休從東海青嶼山來遊江西以符藥救人疾有狀

訴其女爲邪物所魅休曰汝居近潭穴汝女爲蛟所窺

已拘攝精魂在其穴俾投符潭中霹靂忽作少頃浮一

物長二丈餘已劈裂死凡求藥者以江魚爲膾并美酒

饗之病自痊一日語人曰我欲入西山但今年牛疫當

江陰縣志卷之二十一 人物志

五

甚留我姓名遇疫時書字貼牛角自當無患後果驗

謹案十代文獻略注云德休西晉太史後梁尚書得不死之藥謝志誤載入明今改正

劉懿真東晉時女冠已五六百歲嘗東遊諸母嶺建壇

萬陽山之麓後白日冲舉今靖安縣有劉仙觀

安志

萬振字長生南昌人齊梁閒嘗以符呪治祟疾隋文帝

賜號天師詔洪崖山爲觀以居之唐時漁者得青石長

七尺扣之有聲郡以獻於朝碎之得二劍鐔上刻振姓

名高祖歎異召見曜日殿龍朔初尸解啟棺惟一劍一

杖詔以銅函葬劍杖於西山天寶洞之側

安志

瞿夫人洪州黃元仙妻也隋末元仙棄官遂同隱羅山

貧甚爲人傭織以養其姑如此者十年一日忽謂元仙

曰昨聞帝命當與汝別俄頃化爲青氣數丈騰空而去

志安

陶安公新吳人混迹爲陶師嘗治鐵爐煙成紫蓋有朱雀集而鳴曰安公安公道與天通七月七日迎汝以赤龍及期龍至安公跨而去二女修其術亦得仙唐天寶中名其居爲陶仙觀

安志仙傳作

謹案安公

治

唐

吳彩鸞猛女也唐太和末書生文簫寓紫極宮一日遊西山與彩鸞相遇因約俱歸簫貧不自給鸞寫孫恂唐韻日得一部鸞可五緡金盡復寫如是者十載稍爲人知乃潛往新吳越王山各跨一虎陟峯巒而去

豫章書

張氲晉州人號洪崖子隱姑射洞中元宗召見於湛露殿問曰先生善嘯可得聞乎卽應聲而發聲若鸞鳳拜

江西南昌府

官不受還山絕粒服氣洪州大疫有狂道士賣藥得者
卽愈元宗曰必氲也三召不赴天寶末忽大霧尸解張

說有洪崖子張氲傳一卷

名勝志

李元基武德初隱建昌葛山

今屬靖安縣

以符藥救人探虎

骨鉞鵲影活魚鼈甚眾夜露宿野草中代宗末插松柏
滿身飛去後有人採藥葛山見元基跨青鹿行若飛莫

知所之

安志

胡慧超遇日月二君授以淨明忠孝之道唐初隱西山
洪井偶過城隅見有舉家悲泣者問之曰廟神歲擇女
爲配吾女明日當行是以悲爾慧超卽驅風雷焚擊妖
廟并燎秦時巨樟卽其地創信果觀元宗聞而召見作
詩送之還山後化去謚曰洞真祀之元妙觀

安志

錢明字內光南昌人讀書西山以五經登科文宗時爲
南安副都護遷光祿卿尋隱廬山得補腦還元之法後
吳越王錢鏐迎至臨安師事之久之還簡寂觀雲孫數
人各以明經爲縣宰首已皓白一日語家人曰上清召
我俄而氣絕舉棺尸解去蓋百七十歲云

安志

伊用昌唐末被羽褐往來江右縱酒狂逸皆稱爲伊風
子妻年少而有殊色善音律女紅用昌作望江南詞夫
婦倡和而歌夜宿古寺廢廟天祐閒至南城夫婦食牛
肉俱死鎮將丁某爲藁葬路旁一年後丁某將抵鍾陵
於北市棚下見之登旗亭共飲丁大醉睡去風子題壁
云此生生在此生前何事從元不復元已在淮南雞犬
後而今便到玉皇前題畢夫婦連臂高唱出城渡江至

遊帷觀又題真君殿後七言律詩一首其尾自銜云定
億兆萬恆沙軍國主南方赤龍神王自後不復見

豫章書

章全素南昌人吳郡有蔣生者好神仙遊荆門見有行
乞者憐其困憊因命執侍左右徵其家對曰章氏子全
素其名家於南昌年荒流徙荆江聞幸君子憐而容焉
於是隨歸四明忽一日謂生曰先生學煉丹能化凡上
石硯爲金乎生曰爾傭者豈知神仙事全素笑而退後
月餘於衣中出一瓢甚小願謂曰此中有丹能化石成
金願得石硯以一刀圭傳其上生以爲誕怒詬之明日
全素卒以簀覆屍將命棺而埋於野撒簀屍已亡去徒
存衣履生大異後見藥鼎中有光探之得石硯其上寸
餘化爲紫金透裏皆黃光始悟真仙不識大慚恚云

宣室